

Realisaziun de na zona dl sport

An á messü aspetè tröc agn

Bele dai ultims agn 70 incá á i funzio-nars dl'Uniun tres porvè da portè inant la rea-lisaziun de na zona dl sport por le paîsc da La Val. Por arjunje chësc fin êl sambëgn n grüm de difficultês y impedimënc' da sur-passè, mo ch'ara ess inultima duré tan dî, ne se ess magari degügn aspetè laôta. Dantadüt la jënt jona sintî la nezescité da avèi a disposiziun na tè infrastrotüra y propi por le bëgn di jogh y di mituns mes-sâra gní realisada. Sce an pënza che alde-da-incö él a La Val 1.230 abitanc' y che le 50% de chisc é sot a 30 agn y 22% dla po-po-laziun é plü jona de 15 agn, spo él evi-dënt che na zona por l'sport jê veramënter debojëgn y ch'al ê gran ora da realisé chësta infrastrotüra.

Propostes portades dant dal "comitê por la zona dl sport"

Le consëi d'aministraziun dl'Uniun â nominé tla sentada di 01.05.1980 n comitê por fistidíe da portè inant la pratica por la realisaziun de na zona dl sport. Te chësc comitê él gnü nominé Sepl Sottara (presi-dënt), Giuvani Comploi (vize-presidënt), Sepl Tavella, Otmar Moling, Tino Alton y Paul Alton. Bele por le medemo ann da d'al-tonn á le comitê, adüm cun le consëi d'ami--ni-straziun dl'Uniun dl Sport, laurè fò-ra n val-günes propostas de posc' adatá por la realisaziun de na zona dl sport, cun la valu-taziun di aspec' positîfs y negatîfs. Al ê gnü ponsè a indüt sis ubicaziuns des-va-líes söl teri-tore comunal. Les döes propostas che parò plü realistiches ê i posc' "Plans" y "Pidrô" (Plan dl Galber). La preferënza dl comi-tê ê laôta orientada ala secunda pro-po-sta, por gauja di mëndri cosc' de realisa-ziun, dla maiú lerch sciöche ince dles mius con-diziuns climatiches. I atri cater posc' che gnê tuc' en con-sci-draziun ê "Alcialc", "Piculin" (sot la dlíja, ola-che al é spo gnü realisé la zona d'esan-siun), "Cestun" y "Pidrô" (olache al é sëgn la zona artejanala nöia). Chëstes propostas ê bele atira gnüdes lasciades tomè, propi dea-che val' posc' ê bele resservá a d'atres opres o deache la lerch a disposiziun ê massa picera.

La zona dl sport "Plans"



Dô che al é gnü tröc' agn patajè por ciafè le post adatè, olache al ê ince meso da ciafè le grunt a n prisc da ciafié, él tl ann 1989 gnü laurè fòra dal Ing. Leopold Clara n prüm proiet de mascima por la realisa-ziun de na zona dl sport tla localité "Plans". Bele l'ann dô á le Geom. Rinaldo Crepaz ar-jigné n proiet plü detaié, che preodô danter l'ater ince la realisaziun de n'abitaziun y de locai plurivalènc'. Deache chësc proiet ne n'á nia ciafè le bëgnstè da pert di ofizi pro-vinziai, é le medemo ciamò en chël ann gnü reelaborè dal Arch. Osvald Valentini, olache la cuba-türa é gnüda diminuïda das-sënn. Aladô de chësc proiet che é atira gnü apro-vè, él spo gnü realisé la zona dl sport cun chëstes infrastrotüres:

- Plaza dal palè de 100 x 60 m cun funz de saurun. La plaza dal palè é ince zir-con-dada da na sí y por podèi soghé y se alenè ince dasëra él gnü fat n implant d'ilu-minaziun cun na potënza totala de 20 KW.
- Frabicat sportîf cun trëi locai da se mudé, trëi magazînn, n local por l'Aiüt Alpin y n pice bar. Sö sot al tèt él ciamò n local che pò gní adorè sciöche fitness-center.

- Döes plazes da tennis, üna cun funz de tera cöcena y l'atra cun funz sintetich, rea-lisades dala Pro Loco da La Val, cun n implant d'iluminaziun da 12 KW.

Le grunt nezesciar de 1,5 ha ti é gnü espro-prié ala vijinanza "Lunz-Taéla-Rü" al prîsc de 285 miliuns.

Mëis de má 1992: i laûrs vëgn metüs man

I prüms laûrs d'escavaziun por la realisaziun dla plaza dal palè é gnüs metüs man ai 27.05.1992. I laûrs á podü gní portá inant en gran pert ciamò intratan le me-de-mo ann y é gnüs rová tl mëis de jügn 1993. Tl medemo tēmp él ince gnü metü man i laûrs de costruziun dl frabricat sportîf. I locai da se mudé é gnüs ultimá por le sco-men--ciamënt dl campionat 1994/95, i atri laûrs intratan l'aisciüda 1995. I laûrs por la rea-lisaziun dles plazes da tennis é gnüs metüs man intratan l'aisciüda 1994 y rová te püc' mëisc. Bele ala fin de agost an podü mëte man de soghé a tennis. Tratan la sajun da d'altonn 1994 él ince gnü metü en funziun l'implant d'ilumina-ziun. Por le reformimënt d'ega él gnü ôt ada-lerch l'ega da na funtana sö dlungia la pista dla lüsa "Furnela". En chësta ocaggiun él stè l'Uniun dl Sport che á fat cun l'aiüt de vo-lon-tars deplü laûrs en economía. Ince l'are-da-mënt di locai da se mudé y dl bar é gnü surantut dal'Uniun dl Sport, che á ciefè por chësc fin n contribut dal Comun. Le cost final por la realisaziun dla zona, tuta fòra la soma por l'espropriaziun dl grunt, amunta a indüt 1 miliard y 944 mi-liuns.

Inauguraziun dla zona dl sport "Plans"



La domënia, ai 6 de agost 1995 é stada n gran dé de festa por l'U.S. La Val: al é gnü inaugurè y surandè a súa destinaziun la zona dl sport "Plans". La festa, oganisada dal'Unìun dl Sport adüm cun la Pro Loco, á metü man cun na sfilada dla musiga da La Val, che á acumpagné les scudres dl palè di gragn y di mituns, i rapresentanc' dl Aiüt Alpin y düc' i ghesc' íte tla plaza dal palè. Dò che la musiga á albü sonè n valgünes cian-ties á les autoritès rovades adalerch tut la parora. N gran onur por i organisadus é stada la presënza dl presidënt dla junta pro-vinziala, Luis Durnwalder, che sciöche an sá vëgn dagnëra dër gion a La Val. Dò les parores dl ombolt, Carlo Miribung, dl presidënt dl'Unìun dl Sport, Pio Ploner, dl assessur de comun por l'sport y turism, Arnold Alton, dl manajadú dl VSS, Manfred von Call, y sambëgn ince dl presidënt dla junta provinciala, Luis Durnwalder él spo stè siur curat, Heinrich Perathoner che é passè ala bendisciun dla zona nòia. Le presidënt dla junta provinciala á spo daurí ofizialmënter la zona dl sport nòia cun le tai dla vëta. Spo é düc' canc' jüs söla te-ras--sa, olache al é gnü arjigné ca dala Pro Loco n bun buffet cun de vigni sort de patüc da mangé y da bëre. Plü tert él gnü fat na gara de tiri dai 11 metri, olache i ghesc d'onur adüm cun i aconsiadus de Comun á podü mëte en mostra súa mira da trá le palè. La gara é gnüda davagnada dal asses-sur Arnold Alton y dal aconsiadú Gottlieb Moling.

La festa é spo jüda inant cun döes partides dl palè. Tla prüma partida s'á la squadra di D-Jogn da La Val, che â da püch con-cuistè le 3. post provincial, mosoré cun na seleziun dla Val Badia metüda adüm en gran pert da

sogadus dl Mareo y da n val-gügn sogadus dl'Alta Badia. Le resultat de 4 : 1 por la squadra de ciasa á ciamò n iade confermè le bun livel arjunt dai mituns da La Val.

Por la secunda partida él gnü invié la squadra da Rina, che â davagné le campio-nat de 2. categoria 1994/95, a sfidé na se-leziun dla Val Badia. Al é gnü soghé dër na bela partida, a chëra che por gajua dla plöia ne n'él nia stè dër tröpa jënt a ciarè prò. Le re-sultat n pü' sorprendënt de 3 : 1 por la se-leziun metüda adüm da Rinaldo Ploner é stè mirité, en conscidraziun dles tröpes oca-jiuns da gol che la squadra á albü.

Dasëra, canche la plöia a por fortüna lascè de tomè dal cîl, é la festa ciamò jüda inant fina dô mesanöt föra cun les beles cianties da bal dl Fanes Trio.

In injunta valgünes foto dl campo vedi y dla festa dl' inauguraziun.

Pur udei les foto clicca. [FOTO](#)